

## Imbabura - Dios Escribichishca - Lust Scriptures

Éxodo 15:9 Fiñaj runaca, cashnami nijurca: ‘Paicunata catishpami, prezu japisha.

Paicuna imata charishcacunata quichushpami chaupisha. Chaicunahuanmi ñuca almaca, ninanda cushijunga. Ñuca espadata llujchishpami, ñuca maquihuan tucuchisha’ nijurcami.

Éxodo 18:21 Chai jahuapash canga, tucuilla gente puracunamandaca, alitalla ruraj jaricunata, Taita Diosta manllajcunata, na llullajcunata, charijyanatalla munanatapash millanayachij runacunata agllai. Paicunataca, huaranga runacunata, patsaj runacunata, picha chunga runacunata, chunga runacunata mandachun churai.

Éxodo 20:14 Cazarashca jahua ama shujhuan causanguichu.

Éxodo 20:17 Cambaj cumba runagupaj huasitapash, ama munanguichu. Cambaj cumba runagupaj huarmitapash, ama munanguichu. Paita servij jaritapash, huarmitapash, paipaj huagrataipash, paipaj burrotapash, ashtahuan imatalla charishcacunatapash, chai cumba runagupajtaca ama munanguichu” nijurcami.

Números 11:4 Israelpuncunahuanga, caru llactamanda shamushca gentecunapashmi chapurishca carca. Paicunaca, micunatallami yarianajurca. Shinamandami israelpuncunapash, cutin cashna nishpa huacanajurca: “¡Maijambash ñucanchiman aichata carashcanman!

Deuteronomio 5:21 Cambaj cumba runagupaj huarmitapash ama munanguichu. Cambaj cumba runagupaj huasitapash, alpatapash, paita servij jaritapash, huarmitapash, paipaj huagrataipash, burrotapash, chai cumba runagu ashtahuan imatalla charishcacunatapash ama munanguichu’ nijurcami.

Deuteronomio 12:20 Canda Mandaj Taita Diosca, pai imashna nishcashnallatami, cambaj llactataca ashtahuan jatunyachinga. Shina rurajpica: ‘Aichata micungapajmi munani’ ningui. Shina micunayachishpaca, imashna munashcashnallata micunguilla.

Deuteronomio 22:22 Maijan runatapash cazarashca huarmihuan sirijuta japisthpaca, ishcanditami huañuchina. Chai huarmihuan sirijushca runapash, huarmipashmi huañunga. Chashna rurashpami Israel purapi tiaj nalitaca anchuchingui.

Josué 7:21 Tucui imatalla japisthpaca tandachinacunapica, Babilonia llactamanda juyailla jatun churajunatami ricurcani. Shinallata ischai kilo chaupitashna pezaj culquitapash, chaipi kilo yalita pezaj barra orotapashmi ricurcani. Shina ricushpami, chaicunata ninanda munashpa, pacalla japisthpaca apamurcani. Chaicunaca, ñuca carpa chaipi ucupimi, alpa ucupi pacashca tiajun. Culquitapash, chai ucupillatami churarcani— nircami.

Salmos 10:3 Nalita ruraj runaca, pai munashcata rurashpami cushijun. Ashtahuan ashtahuan charingapaj munaj runatarami alicachin. Mandaj Diostaca, yangapimi churan.

Salmos 78:18 Chashnami paicunapaj shungupica, paicuna munashca micunata cuchun, Taita Diosta mañashpa fiñachinajurca.

Salmos 78:30 Paicuna munashcataca, nara chingachishcachu carca. Micunapash shimipirami carca.

Salmos 81:12 Chaimandami, paicunapaj shinlli shungu munashcata ruranajuchun saquircani. Paicunapaj yarishcatallami rurashpa causanajurca.

Salmos 106:14 Paicunaca, jichushca pambapimi, paicuna munashcata maitapash ruranajurca. Chulunlla pushtucunapipash, paicuna munashcata carachun mañashpami, Taita Diosta fiñachinajurca.

Salmos 119:36 Ñuca shungutaca, imashna causanata can yachachishcata cazuja rurapairi. Chariyanatalla munashpa causachunga, ama saquihuaichu.

Proverbios 1:19 Ñapash chariyangapaj ninandapacha munajcunapaj causaica, chashnami tucujun. Chai charishcallatami, chai charijcunataca causaita quichun.

Proverbios 6:25 Chai huarmitaca juyailla cajpilla, pactara shungupillapash munanguiman. Paipaj ñavihuan ricunman quedashpa, prezunshna canda japichumbash ama saquinguichu.

Proverbios 15:27 Imatapash ninandapacha munaj runaca, paipaj huasi ucu puramanllatami llaquita apamun. Ashtahuangarin culquita pacalla cujpi japingapaj na munaj runaca causangami.

Proverbios 21:25,26 Imata ruranatapash na munaj runaca, paipaj maquihuan imata rurangapajpash na munashcamandami, imatalla charingapaj ninanda munashpa huañujun. 26 Huaquingunaca, punllandi imatapash munashpallami causan. Ashtahuangarin imatapash cashcatapacha ruraj runaca, na mitsashpa imaguta carangapajpash charinmi.

Proverbios 28:16 Na yachajushca mandajca, ashtahuan ashtahuamni llaquichishpa charin. Ashtahuangarin chariyanata na munaj mandajca, unaitami mandajunga.

Isaías 56:11 Paicunaca, mashnata micushpapash, napacha sajsaj alcucunashnami. Michijcunallatapash, imatallapash na entendenllu. Tucui paicunami, paicuna munashcata rurashpa causanajun. Paicunapaj alitallami, tucuicuna mascanajun. Imata rurangapajpash, paicuna munashcatalami ruranajun.

Isaías 57:17 Israelpacunataca, imatapash yapata munashpa nalita rurashcamandami, ninanda fiñarishpa llaquichircani. Ninanda fiñarishpa llaquichishpami, tigrashpallapash na ricurcani. Shina cajpipash paicunaca na cazushpami, paicunapaj shungu munashcata rurashpa catinajurca.

Jeremías 6:13 Paicuna purapica, ashtahuan uchillamanda callarishpa, ashtahuan jatungamanmi, chariyanatalla tucuicuna munanajun. Villaj runamanda callarishpa, curacunacaman tucuicuna umachijcunallami.

Jeremías 22:17 "Ashtahuangarin cambaj ñavipash, cambaj shungupash ninanda chariyangapajllami munanajun. Shinallata ima nalita rurashcapash na ricurij runagupaj yahuarta jichashpa, pitapash llaquichishpalla charingapajmi munanajun" ninmi.

Jeremías 51:13 Ashtaca yacu chaupicunapi causajcunalla, cangunaca imapash ninan valishcacunatami juyailla charinguichi. Imatapash charingapajlla ninanda munashcashnallatami, canguna tucurinapash chayamushca.

Ezequiel 6:9 Canguna puramanda pacajushpa puchushcacunaca, shuj llactacunapi prezú causashpami, ñucata yarinajunga. Paicunapaj shungupi huainayanatalla munashpa ñucamanda anchurishcamandami, ninanda llaquirircani. Shinallata paicunapaj ñavihuán ricushpa huainayanshna, yanga dioscunata catishcamandami, chashna llaquirircani. Tucui millanayaicunata rurashpa, jatun nalicunata rurashcamandami, pingai tucunajunga.

Ezequiel 14:4,5 Shinamanda, paicunaman cashna nishpa villangui: Mandaj Jatun Diosca, cashnami nin: 'Israel puramanda maijan runapash, paipaj yanga dioscunata paipaj shungupi charingapashchari. Shinallata jatun nalita rurashpa nitijanshna pandanatara, paipaj ñaupajpi churashpa callaringapashchari. Shina cashpata, ñuca ima nishcata villajta tapungapaj shamujpica, chai shamuj runataca, Mandaj Dios ñucami, paicunapaj yanga dioscunata imashna paicuna ashtacata charishcashnallata tigrachisha' ninmi. 5 Israelcunataca, paicunapaj shungupi yarishcata japingapajmi, chashna tigrachisha. Paicunallatami, paicunapaj yanga dioscunamandalla, ñucamandaca tucuicuna anchurirca.

Ezequiel 22:12 Cambi causajcunaca, huañuchishpa yahuarta jichangapajmi, culquita japingajurca. Culquita mañachishpa mirashcatapashmi japingajurca. Chai mama culqui mirashcamandapash, ashtahuan yalishpami japingajurca. Cambi causajcunaca, cumbacunatallata ninandapacha llaquichishpami shuhuanajurca. ñucatapashmi cunganajurca. Mandaj Jatun Dios ñucami, chashna nini.

Ezequiel 33:31 Paicunaca, ñuca agllashca gentecunashnami cambajman shamunajunga. Ñuca agllashca gentecunashna, can imatalla rimashcata cambaj ñaupajpi uyashpapash, na pactachinajungachu. Ashtahuangarin mishqui shimicunahuan rimashpapash, shungupica charijyanatalla munashpami purinajunga.

Oseas 4:12 Ñuca agllashcacunaca, paicunapaj yanga diostami, imata cashpapash tapunajun. Chai yamda caspimi, tapushcataca tigrachin. Paicunataca, huainayachij ayami pandachirca. Huainayangapajmi, paicunapaj Taita Diostaca saquinajurca.

Oseas 5:4 Paicunapaj Taita Diospajman tigrarinataca, napacha yarinajunllu. Huainayachij aya paicunapaj shungupi junda cajpimi, Mandaj Diostaca na rijsinajun.

Miqueas 2:2 Shujcunapaj alpacunata ninanda munashpami shuhuanajun. Huasicunatapash ninanda munashpami japingajun. Paicunaca, shuj runagutaca, paipaj huasindimi ninanda llaquichinajun. Shuj runagutaca, pai imata charishcacunandimi llaquichinajun.

Nahúm 3:4 Culquimanda huainayaj huarmishna, juyailla ricurishpami ninandapacha nalicunatalla rurashpa causarcangui. Brujianatapash yachachijmi carcangui. Shuj llactacunapi causaj gentecunatapash huainayachishpa, brujiashpami umachin carcangui. Chaimandami, chai llaquicunaca japinga.

Habacuc 2:9 Imatapash cashcatapacha na rurashpata, paipaj huasipi ashtacatapacha charingapaj ninandapacha munaj runaca, ¡aij imachari tucunga! Paica, jatun llaquimanda pacajungapaca, paipaj huasitaca, tazinda jahuaman churanshna shinllita churangapajmi, chashna ruran.

Mateo 5:28 Ashtahuangarin ñucami, cangunataca cashna nini: Maijambash shujpaj

huarmitara ñucapaj cashcanman yashpa ricujushpaca, ñami paipaj shungupi yarishpallata, chai huarmihuan huainayashca.

Marcos 4:19 Shina uyashpapash, cai causaipajlla imatapash charingapajmi munanajun. Ña charishpapash, ashtahuan charingapaj munashpami, pandachi tucunajun. Diospaj Shimitaca, chai tucui munaicuna shamushpami cungachin. Shinamandami paicunaca, grano na fucunshnalla tucunajun.

Marcos 7:22 Shuhuashpa, charijyanatalla munashpa, imatapash nalitalla rurashpamicausananajun. Shinallata pitapash umashpa, na pinganayachishpa, shujcuna imata charijtapash ñucapaj cashcanman yashpa ricushpa, imapash tucushpami ali canman nishpa, ninanda jariyashpa, juizu illajmi causanajun.

Lucas 3:14 Shinallata huaquin soldadocunapash shamushpami: —Ñucanchica, ¿imatata runana capanchi?— nishpa, Juandaca tapunajurca. Shina tapujpimi Juanga, cashna nirca: —Pitapash na imahuambash manllachishpa quichunachu canguichi. Pitapash na yangamanda juchachinachu canguichi. Canguna mashnaguta japingajushpapash, chahuanllami cushijuna canguichi— nircami.

Lucas 12:15 Shina nishpallami Jesusca, cashna nirca: —Ricui, charij tucunatalla na munashpami, aliguta yarishpa causana canguichi. Imata ninanda maijan runa charishpapash, chahuan unaita causajuitaca, na ushangachu— nircami.

Lucas 16:14 Jesús chashna nijuitaca, fariseocunapash uyanajurcami. Paicunaca, charijyanatalla munajcuna cashpami, Jesustaca asishpa ricunajurca.

Juan 8:44 Quiquingunaca, quiquingunapaj taita diablopajmi canguichi. Shinamandami, pai munashcata rurangapaj munanguichi. Paica, callarimandapacha huañuchijmi. Llullashpalla causajmi can. Paipica, llullanallami tian. Llullashpa rimajushpaca, paimandallami llullashpa rimajun. Llullapacha cashpami, llullapaj taita can.

Hechos 20:33 Pipaj culquita, orota, churajunatapash na ninanda munashpa ricushcanichu.

Romanos 1:24-29 Chaimandami, paicunapaj shungu munashca mapacunata rurashpa causanajuchun, Taita Diospash saquirca. Shinamandami, paicuna purallata paicunapaj cuerpocunata huaglichishpa causanajurca. 25 Shina cashpami, Taita Diospaj na llullaj Shimita catinajushcata saquishpa, llullatara catinajurca. Tucuita Ruraj Diosta alicachinapaj randica, Diosllata rurashcacunatarami alicachinajurca. Diosca, causaita causaicaman ninanda alicachi tucunatami charin. Shina cachun. 26 Chashna nalicuna cajpimi, pinganayai nali munaicunata rurachun, Taita Diosca saquirca. Chaimandami paicunapaj huarmicunaca, jarihuan causanapaj randica, pai purallata nalita rurashpa causanajurca. 27 Shinallatami jaricunapash, huarmihuan causanataca saquishpa, jari purallata paicunapura nina japirinshna munarinajushpa jatun nali pinganayaita ruranajurca. Chashna nalita ruranajushpami, cuna cashcata cujpi paicunallata chingagrinate japingajun. 28 Paicunallata Taita Diosta catingapaj na munajpimi, paicunapaj yuyaipi yarishcata rurashpa causanajuchun, Taita Diosca saquirca. Napash ruranacunatara ruranajuchunmi saquirca. 29 Paicunaca, imatapash cashcatapacha na rurashpa, huainayashpa, jatun nalita rurashpa, charijashpa, imatapash nalitalla rurashpa causana, munaicunahuan jundacunami. Paicunaca, shujcuna imata charishcacunatapash ñucapaj

cashcanman yashpa ricujcuna, huañuchijcuna, paicunapura fiñanajujcuna, umachijcuna, imatapash nalitalla yarijcunami.

Romanos 6:12 Shina cashpami, cangunapaj huañunalla cuerpopi jucha mandachunga, napacha saquina canguichi. Nali munaicuna yarichijujtapash, napacha cazunachu canguichi.

Romanos 7:7 Shina cajpica: ¿“Mandashca shemicunataca nalichu” ninachu canchi? Napacha shinachu. Juchapi ñucanchi causanajushcata na yachashcanichu, ashtahuangarin mandashca shemicunamandami yacharcani. Mandashca shimpica: “Shujcuna imata charijtapash, na munanachu cangui” nishpa na yachachipica, shujcuna imata charijtapash munanataca na yachaimanllu carcani.

Romanos 13:9 Mandashca shemicunapica, cashnami nijun: “Cazarashca jahua ama shujcunahuan causanguichu, ama huañuchinguichu, ama shuhuanguichu, ama llullanguichu, shujcuna imata charijtapash ama munanguichu” nijunmi. Maijan mandashca shemicunapipash, cashna nijuj shemicunaca: “Canllata juyarinshnallatami, cumba runagutapash juyana cangui” nijunmi.

Romanos 13:14 Ashtahuangarin, Apunchi Jesucristopaj ushaitami churajunshna japina canguichi. Nalita rurana munaicuna japijipipash, na ruranachu canguichi.

1 Corintios 5:10,11 Shina nishpaca: “Cai pachapi tiaj huainayajcunahuan, ashtahuan charijyangapaj munajcunahuan, shuhuacunahuan, yanga dioscunata mañajcunahuang, napacha tandanajunachu canguichi” nishpaca, na shina nircanichu. Chashnacunahuan na tandanajuna cajpica, cai pachamanda llujshinami canguichiman. 11 Ashtahuangarin cashna nishpami esribimurcani: “Maijambash criymi cani nijushpapash huainayashpa causajpi, charishpapash ashtahuan charijyangapaj munashpa, yanga dioscunata mañashpa, ima llaquipash japisthpami ali canman nishpa, machashpa, shuhuashpa causajhuanga, na tandanajushpa purinachu, micuillatapash na micunachu canguichi” nircanimi.

1 Corintios 6:9,10 Imatapash cashcatapacha na rurashpa causajcunaca, Taita Dios mandajuj llactapica, imatapash na japiringachu. ¿Chaitaca nachu yachanguichi? Na pandanachu canguichi. Huainayajcuna, yanga dioscunata mañajcuna, cazarashca jahua shujhuan causajcuna, huarmicunashna causaj runacuna, jari purallata huarmihuanshna puñucuna, 10 shuhuacuna, charishpapash ashtahuan charijyangapaj munajcuna, machajcuna, ima llaquipash japisthpami ali canman nijcuna, ñavi ñavi shuhuajcunapash, Taita Dios mandajuj llactapica, napacha imatapash japiringachu.

1 Corintios 10:6 Paicuna nalita ruranata ninandapacha munashcashna, ñucanchipash ama munachun ricuchingapajmi, chashna tucusca.

1 Corintios 12:31 Shina cashcamanda Dios carajpi ruranataca, ashtahuan aliguta mascaichi. Ashtahuangarin cunanga, cai tucuitapash yali ashtahuan juyilla causanagutami, ñucaca cangunaman yachachigrini.

1 Corintios 14:39 Huauquicuna, panicuna, Dios ima nishcata villangapajmi, ashtahuan yarina canguichi. Shuj shuj rimaicunata parlanataca, na jarcanachu canguichi.

2 Corintios 9:5 Ama chashna tucuchunmi, ñuca yachachishca ali cana cajpi, cai

huauquicunataca ñaupapaichi nishpa, cangunapajman pundata cachamuni. Cangunaca, na ñucanchi mandajpillata cushijushpa carangapaca, pundata ari nishpa yarishcallami carcanguichi. Chaita tandachishpa cachanalla shuyachunmi, paicunataca cachamuni.

Gálatas 5:16-20 Cangunataca caitami nini: Diospaj Espirituhanmi causana canguichi. Ashtahuangarin na quiquin munaicunatalla ruranachu canguichi. 17 Quiquin munaicunatalla rurashpa causajcunaca, Diospaj Espíritu munajujtaca fiñanmi. Shinallata Diospaj Espíritu munajujpash, quiquin munaicunata fiñanmi. Canguna munashcatalla ama rurachunmi, nali munaicunahuan Diospaj Espirituhan fiñanajun. 18 Ashtahuangarin Diospaj Espíritu pushajpi causajujpica, mandashca shimicunaca na ashtahuan mandajunllu. 19 Quiquin munaitalla rurashpa causajcunaca, shutillami: Chaicunaca, cazarashca jahuami, shujhuan causanajun. Huainayanajunmi, mapayanajunmi, ima munashcatami ruranajun. 20 Yanga dioscunatami mañanajun, brujurishpami causanajun, fiñanajushpallami causanajun, fiñanajushpa rimarishpallami causanajun. Imatapash paipajlla cachunmi munanajun, imamandapash ninanda rimarishpami causanajun, caishuj chaishuj rimarishpami causanajun, chaupirichunmi fiñanajuchinajun, shicanyarishpami pandata yachachinajun.

Gálatas 5:24 Ashtahuangarin Cristopajlla tucushcacunaca, quiquin munaicuna nalitalla yarichishcata ruranataca chacatashcashnami tucuchinajurca.

Efesios 2:1-3 Diosta na cazushpa, juchata rurashpa huañushcashna cajipipashmi, Diosca cangunaman causaita caramurca. 2 Huairapi mandajuj, ninan ushita charij diablopaj munaita rurashpami, cai pachapajtalla rurajcunashnallata, cangunapash pundaca causarcanguichi. Chai diablollatami, Diosta na cazujcunataca cunangaman imatapash nalitalla rurachijun. 3 Ñucanchipash tucuillami pundaca, paicunashnallata nali munaicunatalla rurashpa causarcanchi. Chashna nalitalla rurangapaj yarishpami, ñucanchipaj munaita rurashpa causarcanchi. Juchayu huacharishca cashpami, Dios ninanda fiñarishpa llaquichijpi, caishujcunashnallata llaqui tucunapacha carcanchi.

Efesios 4:19 Paicunaca, juizupash tucurijpimi, ima nalita ruranatapash na pinganayachin. Chashna cashpami Diospaj ñaupajpica, imatapash mapatalla cushijushpa ruranajun.

Efesios 4:22-27 Shina cashcamandami, punda mauca causaitaca shitashpa saquina canguichi. Chai nalita rurana munaicunami pandachishpa, chai nalitalla rurachishpa charjurca. 23 Cangunapaj yuyaipica, mushujtalla yarishpami causana canguichi. 24 Mushuj causaitaca, mushujta churajunshna causaichi. Taita Dios munashcashna imatapash cashcatapacha ruraj cachun, paipajlla causashpa, na llullaj cachun agllashcashna causaichi. 25 Shina cashpami, llullanataca saquishpa, tucuicunallata cangunapaj cumbacunahuanga, na llullashpa parlana canguichi. Caishujmanda chaishujmanda, Cristopaj cuerposhna cashpami, chashna parlana canguichi. 26 Fiñarishpapash, juchataca na ruranachu canguichi. Na tucui punlla fiñarishcalla chishanachu canguichi. 27 Diablo imatapash nalita yarichijuchunga, napacha saquinachu canguichi.

Efesios 5:3,5 Canguna purapica: "Huainayashpami causanajun, tucui mapatami

ruranajun, charijyanatalla munashpami causanajun" ninajuj shimicunaca, uyaritapash ama uyarichun ninimi. Diospajlla causajcuna chashna ni tucushpa causanaca, napacha alichu. 5 Huainayashpa causajpash, mapatalla rurashpa causajpash, yanga dioscunata mañanshna charijyanatalla munashpa causajpash, Cristohuan, Taita Dioshuan mandajuj llactapica, imatapash na japigringachu. Chaitaca ñami yachanguichi.

Colosenses 3:5 Cai pachapajta rurachun yarichijuj munaicunataca, tucuitami huañuchinshna saquina canguichi: Huainayanata, Diospaj ñaupajpi mapayanata, nalita rurana yuyaicunata, nali munaicunata, charijyanatataca na munanachu canguichi. Chaita munanaca, rurashcalla dioscunata mañanajunshnallatami.

- 1 Tesalonicenses 2:5 Ñucanchica, ima horasllapash uyanayaita llullashpaca, na parlashcanchica. Shinallata charijyanatalla munashpapash, na villarcanchica. Chaitaca cangunapash yachanguichimi, Taita Diospash yachanmi.
- 1 Tesalonicenses 4:3-7 Taita Diosca, cangunataca paipajlla causachunmi munan. Huainayashpa causanata saquichunmi munan. 4 Tucui cangunaca, quiquin huarmiguta charishpami, Diospajlla causashpa alicachina canguichi. 5 Taita Diosta na rijsij gentecunashna jatun nali munaitalla rurashpaca, na causanachu canguichi. 6 Maijambash ama paipaj huauquitallata umashpa, nalita rurangachu. Chashna nalita rurajcunataca, Apunchi Jesusmi imashna llaquichishcashnallata llaquichinga. Chaitaca, ñami chashnapachami nishpa villarcanchi. 7 Taita Diosca ñucanchitaca, mapayashca causachunga na cayarcachu. Ashtahuangarin paipajlla tucushp, aliguta causachunmi cayarca.
- 1 Timoteo 3:3,8 Na machaj, na pihuambash fiñanajuj, culquita munaimandalla imatapash nalitaca na ruraj, ashtahuangarin pitapash llaquij, fiñanajui tiajipash alichij, charijyanatapash na munaj runami cana. 8 Crijcunata ayudajcunaca, alicachijpi causaj, imata parlashcatapash na shujman yalichij, na machaj, culquita munaimandalla imatapash nalitaca na ruraj cachun.
- 1 Timoteo 6:9,10 Ashtahuangarin chariyangapaj munajcunaca, imatapash nalita yarichijuj nali munaicuna urmachingapaj shamujpimi, lazupishna urmeshpa imatapash nalitara ruranajun. Shinamandami shinlli shungu tucushp, ninandapacha culquita munai huaglichishpa, gentecunataca ninanda llaquichishpa, chingaita chinganaman apajun. 10 Culquita juyashpa causanami, imatapash nalitalla ruranataca sapishna callarichin. Huaquingunaca, ninanda culquita munashpami, crishpa catijushcatapash saquin. Shinamandami, ninan llaquicunata apanajun.
- 2 Timoteo 2:22 Chairalla viñaicuna nalita ruranajujmandaca, anchurinami cangui. Ashtahuangarin shungupi ima nalitapash na yarishpa, Apunchi Jesusta mañajcunahuan tandanajushpami, imatapash cashcatapacha ruranata, alipacha crinata, juyaita charinata, casilla ali causanata catina cangui.
- 2 Timoteo 3:2 Chai punllacunapica, paicunalla ali cangapaj munajcuna, chariyangapaj munajcuna, pitapash yalimi canchi nijcuna, jariyashpa jatun tucujcuna, Diostapash nali shimicunata rimajcunami tianga. Taitata, mamatapash na cazujcuna, na pashi nijcuna, Diostapash na manllajcunami tianga.

- 2 Timoteo 3:6 Chashna puracunami, huasicunaman yaicushpa, juchatalla rurashpa llashachinshna causanajuj nali huarmicunata prezu japinshna charinajun. Chai huarmicunaca, nali munaicunatalla rurangapajmi yariashpa causanajun.
- 2 Timoteo 4:3 Aliguta yachachijuj shimicunataca, na uyanayachina punillacunami chayamunga. Chaicunaca nali cashpami, imatapash nalitalla uyangapaj munashpa, tauca yachachijcunata tandachinga.

Tito 2:12 Shina juyashpami Diosca, cai pacha nali munaicunata ruranata paita na manllashpa causanatapash cungachun yachachijun. Chaita yachajushpaca, cai causaipi aliguta yarishpa, imatapash cashcatapacha rurashpa, Diosta yariajlla causachunmi yachachijun.

Tito 3:3 Ñucanchipash pundaca, juizu illaj, na cazuj, chingashcami causarcanchi. Imatapash nalitalla rurachun yarichimujta gañanshna cazushpami, chaitara rurashpa cushijushpa causarcanchi. Imatapash nalita rurashpa causashpami, shujcuna imata charijtapash ñucapaj cashcanman yashpa ricurcanchi. Shinallata millanayachi tucushcacunami carcanchi, caishujhuan chaishujhuan millanayachirishpami causarcanchi.

Hebreos 13:5 Shinamandami, imata cashpapash charijyanata munashcamandalla na rurana canguichi. Cunan imaguta charishpapash, chaihuanlla cushijushpa causanguichi. Diosca cashnami nirca: “Candaca na jichushachu, na saquishachu” nircami.

Santiago 1:14,15 Ashtahuangarin nali munaica, gentecunapaj shungupimi tiajun. Shina cashpami pita cashpapash, nalita rurachun yarichishpa urmachijun. 15 Chai nali munaita rurajpimi, juchaca ninanda miran. Chai juchata ashtahuan rurajpi mirashpami, huañuiman apajun.

Santiago 4:1-5 Canguna purallata, ninanda macanajushpa, fiñanajushpa causanaca, ¿maimandata shamun? ¿Nachu nali munaicunata cangunapaj cuerpopi charishpa, chashnaca causanajunguichi? 2 Ninandapacha imata munashpapash, na tari ushashcami canguichi. Shujcunapajta ñucapaj cashcanman yashpa, chaitalla ninanda yariashpami huañuchishpapash, napacha tari ushanguichi. Ninanda fiñashpa macanajushpapash, Diosta na mañashcamandami, imata munashpapash na charinguichi. 3 Nalita ruranapi cushijushpa tucuchingapajllami mañanguichi. Shinamandami, maijambash na japinguichi. 4 ¡Cangunaca, huainayashpalla causajpaj almatashnami charinguichi! Cai pachapi imapash tiajcunatalla munajcunaca, Taita Diostamari fiñashpa causanajun. ¿Chitaca nachu yachanguichi? Cai pachapi imapash tiajcunatalla munashpaca, Taita Diostami na ricunayachishpa causanajun. 5 “Ñucanchi shungupi causachun Dios caramushca Espirituca, paipajlla causachunmi munan” nishpami, Dios escribichishca Shimipica villajun. Shina niujtaca, ¿yanga niujtachu yanguichi?

- 1 Pedro 1:14 Ali cazuj huahuacuna cashcamandami, Diosta nara rijsimanda, imatapash nalita munashpa punda rurashcashnaca, na ashtahuan rurana canguichi.
- 1 Pedro 2:11 Juyashca crijcuna, cangunataca shuj llactamanda shamushpa causajcunatashna, na rijsishca llactapi purijcunatashnami, cashna mañapani: Cangunapaj almahan, nali munaicunahuan macanajunajmandaca, chai

munaicunamanda anchurichunmi mañapani.

- 1 Pedro 4:2-4 Cai pachapi causai tiashca punllacunallapash, ama gentecunapaj munaita rurashpa, ashtahuangarin Taita Diospaj munaita rurashpami causana canguichi. 3 Cangunaca, tauca huatacunatami na israelcuna cushijushpa nalita rurashpa causashcashnallata rurashcanguichi. Canguna ima munashcata rurashpa, nalita ruranata munashpa, machashpalla purishpa, amingacaman fiestata rurashpa, ufiashpallami causarcanguichi. Shinallata millanayai, dioscunata mañashpami causarcanguichi. 4 Shinamandami cunanga, paicunashna imapash cachun nalita ruranata saquishcata ricushpaca manllarishpa, cangunataca rimashpa llaquichinajun.
- 2 Pedro 1:4 Chaicunata caramushpami Diosca, imatapash juyailla ninandami carasha nishcata pactachirca. Cai pachapica, nalita munashcamandami ima huaglicunapash tian. Chai huaglicunata saquishpa, Diosman rijchaj canata japigrichunmi, chashna ricuchirca.
- 2 Pedro 2:3 Paicunaca, charijyanatalla munashpami, randishpa jatunshna paicuna llujchishca parlocunatalla yachachinajunga. Paicunapaca, pundamandapacha ninanda llaquichi tucunapacha nishcami ña chayamujun. Chingaita chingachinapash chapariajunmi.
- 2 Pedro 2:9-19 Jatun Diosca, paita yariashpa causajcunataca, imatapash nalita rurana munaicunamanda cacharichinmi. Ashtahuangarin imatapash cashcatapacha na rurajcunataca, ninanda llaquichina punllapi llaquichi tucuchunmi, alichishca shuyajun. 10 Dios mandajuitapash yangapi churashpa, quiquin munaitalla catishpa, nali munaicunata rurashpa, millanayaita rurashpa causajcunataca ashtahuanmi llaquichinga. Paicunaca, ninanda jariyashpa, na cazushpami, mandana ushita charijcunatapash, na manllashpa nalita rimanajun. 11 Paicunatapash ashtahuan yali ushita charij angelcunapash, chai mandajcunataca, Jatun Diospaj ñaupajpi paicunata ninanda nalicachishpa llaquichi tucungapachami nishpaca, na rimanllu. 12 Ashtahuangarin cai yachachijcunaca, animalcunashna yuyaitapash na charishpa na entendishpa, nalitalla parlajcuna cashpami, japi tucushpa huañuchi tucungapajlla huacharishca. Paicunaca, animalcunashna huañushpami chingaita chingagringa. 13 Imatapash cashcatapacha na rurashcamandami, paicunaca japina cashcatallata japinga. Punllandimi nali munaicunata rurashpa, ninanda cushijunajun. Cangunahuan tandanajushpa micunajushpapash, paicunapaj pandarishcahuani cushionajun. Chashnata ruranacunaca, tinirishcashna mapayashcami. 14 Paicunapaj ñavihuán ricushpapash, huainayana munaihuanllami ricunajun. Juchata ruranatapash, na aminllu. Chairalla yachajujcunatapash, nalitara yachachishpami pandachinajun. Paicunapaj shungupipash, shujcuna charishcata munashpallami causan. Paicunaca, ninanda nalicachi tucushcacunami. 15 Ali causana ñandapash saquishpa, naliman tigrashpami, Beor shuti runapaj churi Balaam shuti runa nalita rurashcatara catishpa, chingashca purinajun. Balaam runaca, nalita rurashpa culquita japingapajmi ninanda munashca. 16 Nalita rurangapaj juizu illanshna rijupimi, na rimaj burroca, genteshna rimashca. Shina rimashpami, Profeta runataca jarcashca. 17 Chai yachachijcunaca, chaquishca pugyucunashnami.

Fuyuta ninan huaira maimambahash apashcashnami. Paicunapaca, yana yanapi causaita causangapaj rinami alichishca shuyajun. 18 Paicunaca, ninanda jariyashpami, cucharishcata rimanajun. Shinallata pandata causanajuj puramanda ali causaitapacha mascashpa llujshishca gentecunatapash, quiquin causaipi nali munaicunahuanmi pandachinajun. 19 Huatashcashna causajcunata cucharishunmi nishpapash, paicunallatami huaglita rurashpa gañanshna causanajun. Pipash mishai tucushpaca, paita mishajpaj gañanmi tucun.

2 Pedro 3:3 Caitara pundaca yachaichi: Tucurimui punllacunapica, paicunapaj munai nalita rurajcuna, asishpa ricuj runacunami shamunga.

1 Juan 2:15-17 Cai pachata, cai pachapi ima tiajtapash, na juyanachu canguichi. Pipash cai pachatara juyashpaca, Taita Diospaj juyaica na paipi causajunllu. 16 Cai pachapi tucui imalla tiashcapash, quiquin munaipajlla, imatapash ricushcandi munangapajlla, yangata jariyashpa causanallami tian. Chaicunataca, na Taita Dios yarichijunllu. Ashtahuangarin cai pachami, chashna yarichijun. 17 Cai pachaca, tucui imapash nali munaicunandimi tucurijun. Ashtahuangarin Taita Dios munashcata rurajcunaca, causitami causanga.

Judas 1:11 ¡Aij, paicunaca imachari tucunga! Caín shuti runapaj ñandamari catinajun. Balaam shuti runashnamari, culquita munaimanda pandanajun. Na cazushpa huañuchi tucushca Coré shuti runashnami, chingaita chingagrinajun.

Judas 1:15-19 Paica, tucuicunata llaquichingapajmi shamurca. Diosta na manllaj runacuna, Diosta na manllashpa tucui nalita ruranajujta ricuchingapajmi shamurca. Juchata rurashpa causaj, Diosta na manllaj gentecuna shimi cucharishcata, paita fiñashpa rimanajushcata ricuchingapajmi shamunga" nishcami. 16 Chai yachachijcunaca, huasha parlashpami nalicachishpa rimarinajun. Paicunapaj munaitalla rurashpami purinajun. Ninanda jariyashpami, cucharishcata rimanajun. Imatapash aliguta japingapajllami, pitapash cushi cushi rimanajun. 17 Juyashca crijcuna, cangunaca ñucanchi Apunchi Jesucristo villachun cachashca runacuna punda villashca shimicunataca yaripanguichi. 18 Paicunami, cangunaman cashna villanajurca: "Tucurimui punllacunapica, nalicachishpa asishpa ricujcunami tianga. Paicunaca, paicunapaj nali munaicunatalla rurashpami causanajunga" ninajurcami. 19 Paicunami, crijcunataca shicanayachinajun. Imatapash nalitalla yarishpa causashpami, Diospaj Espiritutaca na charin.

Apocalipsis 18:14 Chai pueblotami, cashna ninajunga: "Fucushcata tucui shunguhuan can munashpa micunapash tucurishcami. Can juyailla ricurijupash, ninanda charishcapash tucurishcami. Cunanmandaca, cuttinga na imatapash japinguichu" ninajurcami.